

Broj: 04-34-310-5161/23  
Mostar, 23.01.2023. godine

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

n/p mr.sc. Edita Kalajdžić, sekretar  
Hamdije Čemerlića 2  
71000 Sarajevo

Priloga  
Priloga  
Priloga

Federacija Bosne i Hercegovine  
**PARLAMENTI FEDERACIJI  
SARAJEVO**

Prilimeno: 30-01-2023

Org. led.	Broj	Priloga	Vrijednos
05/11	-02-	1	123

**PREDMET: Zastupničko pitanje koje je postavio Amir Purić, zastupnik u  
Zastupničkom domu Parlamenta Federacije Bosne i Hercegovine  
Veza, Vaš akt broj: 03-04-32-1/23 od 12.01.2023. godine**

Poštovana,

Federalno ministarstvo obrazovanja i nauke zaprimilo je akt, broj i datum veze, u čijem prilogu je dostavljeno zastupničko pitanje Amira Purića, koje glasi:

**Zašto je Vlada FBiH ukinula Fond za studentske zajmove i Fondaciju za mobilnost studenata i nastavnika te da li će i na koji način ove aktivnosti biti financirane u 2023. godini?**

Odgovor na pitanje zašto je Vlada FBiH ukinula Fond za studentske zajmove i Fondaciju za mobilnost studenata i nastavnika:

1. Fond za studentske zajmove je prestao s radom temeljem Zaključka o potrebi prestanka rada Fonda za studentske zajmove Federacije Bosne i Hercegovine V.broj:1220/2020 od 28.8.2020.godine. U nastavku citiramo dio Obrazloženja koji se odnosi na tačku II. (Razlozi za donošenje):

„Fond za studentske zajmove Federacije Bosne i Hercegovine osnovan je Odlukom o osnivanju Fonda za studentske zajmove Federacije Bosne i Hercegovine, V broj: 726/06 od 16.11.2006. godine, V broj: 480/07 od 18.07.2007. godine i V broj: 1131/11 od 01.12.2011. godine („Službene novine Federacije BiH“ br. 75/06, 51/07 i 83/11).

Cilj osnivanja Fonda za studentske zajmove Federacije Bosne i Hercegovine je podsticanje obezbjeđivanja sredstava, podrške i omogućavanja studiranja studentima na univerzitetima u Federaciji Bosne i Hercegovine.

Posljednjih godina Fond za studentske zajmove Federacije Bosne i Hercegovine sve manje ostvaruje cilj i svrhu zbog koje je osnovan, a što je vidljivo iz godišnjih izvještaja o radu. Podrška studentima se svela gotovo na klasično kreditiranje, pa je sve manje studenata zainteresirano za ovaj vid podrške.

Takoder, izuzev budžetskih sredstava koja se redovno godišnje doznacavaju preko Federalnog ministarstva obrazovanja i nauke, Fond za studentske zajmove Federacije Bosne i Hercegovine nije obezbjedio bilo kakvu drugu vrstu prihoda“.

2. Fondacija za mobilnost studenata i nastavnika Federacije Bosne i Hercegovine je prestala s radom temeljem Zaključka o potrebi prestanka rada Fondacije za mobilnost studenata i nastavnika Federacije Bosne i Hercegovine V.broj:12634/2022 od 28.4.2022.godine. U nastavku citiramo dio Obrazloženja koji se odnosi na tačku II. (Razlozi za donošenje):

„Članom 29. Statuta Fondacije za mobilnost studenata i nastavnika Federacije Bosne i Hercegovine, Fondacija prestaje s radom kada prestane svrha njenog osnivanja.

Prilikom razmatranja Izvještaja o radu Fondacije za 2021. godinu, Vlada Federacije Bosne i Hercegovine ocijenila je da osnivanjem Fondacije nije postignuta snažnija podrška mobilnosti studenata i nastavnika, kao i to da je u uvjetima pandemije Korona virusa mobilnost značajno smanjena, studentske prakse u inostranstvu su gotovo prestale te je finansiranje rada Fondacije skupo i u uvjetima pandemije nepotrebno.

Tom prilikom je usvojen Zaključak Vlade FBiH V.broj:360/2022. od 17.03.2022.godine.

Federalno ministarstvo obrazovanja i nauke će u skladu s tačkom 3. Zaključka, u saradnji s Uredom za CEEPUS MCP BiH, rješavati problem blagovremenih uplata stipendija stranim studentima i nastavnicima koji na javne visokoškolske ustanove u Federaciji BiH dolaze u okviru CEEPUS međunarodnog bilateralnog ugovora (Zaključak Vlade FBiH V.broj: 1036/2007, donesen na 26. sjednici, održanoj 27. 9. 2007.godine), sudjelovati u pokrivanju troškova putovanja domaćim studentima i nastavnicima koji odlaze u međunarodnu CEEPUS razmjenu te pružati podršku obavljanja studentskih praksi u inostranstvu“.

Odgovor na drugi dio pitanja „da li će i na koji način ove aktivnosti biti financirane u 2023. godini“:

1. Federalno ministarstvo obrazovanja i nauke je preuzelo poslove Fonda koji se odnose na povrat studentskih zajmova u Budžet Federacije Bosne i Hercegovine. U skladu s ugovorima o komisionom plasiranju studentskih zajmova, korisnici zajmova na osnovu ostvarenog općeg prosjeka ocjena vraćaju zajam u cjelosti ili djelimično ili bivaju oslobođeni povrata. Na osnovu dostavljenih dokaza Ministarstvo donosi odluku o tome. Sredstva od povrata zajmova vraćaju se u Budžet FBiH. Posljednji javni poziv za dodjelu bio je raspisan 2019/20. godine. Nisu planirana sredstva za dodjelu novih studentskih zajmova u 2023.godini.
2. Ministarstvo je od Fondacije za mobilnost studenata i nastavnika Federacije Bosne i Hercegovine preuzelo obavezu realizacije CEEPUS programa te je u Transferu za implementaciju Bolonjskog procesa u Budžetu za 2023. godinu planiran iznos od 100.000,00 KM za CEEPUS. U okviru Transfera za financiranje studentskog standarda je planiran Program za podršku obavljanju studentske prakse u inozemstvu. To znači da Ministarstvo planira preuzeti financiranje aktivnosti Fondacije za mobilnost u skladu s financijskim i stručnim potencijalom u 2023.godini.

S poštovanjem,

Po ovlaštenju Vlade Federacije Bosne i Hercegovine

SEKRETAR MINISTARSTVA

*Alden Kajtas*  
mr.sc. Alden Kajtas

Dostaviti:

- naslovu,
- Amiru Puriću, zastupnik u Zastupničkom domu Parlamenta Federacije Bosne i Hercegovine, Hamdije Kreševljakovića 3, 71000 Sarajevo
- Ivanu Miličeviću, tajniku Zastupničkog doma Parlamenta Federacije Bosne i Hercegovine, Hamdije Kreševljakovića 3, 71000 Sarajevo
- a/a